

ممالك عثمانیه ده سته لکی (۶۵) آلتی ،
 یلغی (۳۵) غروشدرد
 ممالك اجنبیه ده سته لکی (۱۷) ، آلتی
 آیلغی (۹) فراتقدر :

باب عالی جاده سنده دائره مخصوصه

آبوتہ بدلی پشیندر .

§
مسلكه موافق آثار مع المصنويه قبول
اولنور . درج ابدله ين يازير اعاده
اولونماز .

رساله خردن الكندي في كوستريك شرطيه
بتون يازيلر هر هانكي بر غنه طرفندن
اقتباس اولونه ييلير .

مکتوب بارك، امضای ری واضح و او قو ناطلی
اولسی و آتونه صره نوم و سنی محتوی
بولونسی لازمدر .

همسالك احنبيه امچون آبونه اولانلرك
آدرسلىرىنىڭ قرائىتىلغۇچە دە يازىلىن رجا
اولنور .

پاره کونیرل دیکی زمان نه یه دائر اولدیغنه
واضحاً بیلدیرلمی رجا اولنور .

دینی ، فلسفی ، علمی ، ادبی ہفتہ لقی مجموعۂ اسلامیہ در ۔

صاحب و مدیر مسئول

اشرف ادیب

باش محرو

محمد عاكف

والله يهدي من يشاء الى صراط مستقيم

فَقْدَمُ وَقْتًا فَيُؤَيِّ

الحق يعلو ولا يعلو عليه

« وجوب امتناع وامكان احكام شريعتدن اولان وجوب، حرمت، جوازدن بشقه بر ماهيته دكادر. منصوري زاده سعيد اسلام مجموعه سي صفحه ۳۷ »

جوازك احكام شريعتدن اولديغنه دار اسلام مجموعه سنك اونجی صايينده كي مقاله كزه تعمير كز وجهله مقابله ده بولونمش ايدم. مجموعه مذكوره نك اون دردنجی صايينده حق و حقيقتی ايضاح و اظهار مقصديله مدافعه و مقابله ده بولنه جفكزی بيان بيورمش ايديكز. بوكره بيانات عليه كز موجبنجه حقه رجوع ايدرك بوقاریده ذكر اولندينی وجهله جوازی وجوب و حرمت كی احكام شريعتدن صابورسكز. بوندن طولاي علی صورتده عرض شكران ايدرم. آنجق « اجتهاد خطالری » عنوانی مقاله كزده ينه خیلی خطیيات واردر. خطیياتكزی شرح و تفصیله حال حاضر مساعد دكادر. ترك بو مقاله كزده كي خطیياتی شرح و تفصیل و كرك اون دردنجی صايیده كي مابعدی جوابنامه كز ايله انتقاده جواب عنوانی ديكر بر مقاله يي رد و جرح جهتلری آنی به تعلیق ایدیورم.

ازمیری

اسماعیل حق

اسلام مجموعه سندن بر رجا

مسلمانلقد مباحثات علمیه سربستدر. اهل اولان هر هانکی بر مسئله فقہیه حقنده بیان مطالعه ده بولونه بیلیر. یالکیز بو خصوصده بر طاقم آداب مخصوصه واردر که آکا رعایت لازمه ادب و فضیلتدر. بر مجتهد بر مسئله ده خطایده بیلیر. اهل اسلام عندنده مجتهدین حضراتی مخطی ده اولسeler، مصیبه ده اولسeler مثاب و مأجوردرلر. چونکه تهری حق و حقیقت یولنده کی حسن نیتلری درکاردر.

بناءً علیه « اجتهاد خطالری » تدقیق بویورولور کن « هذیان » کی

تعمیرلر قوللا سمیه ی، هر خاطره کان شیء فکریه درج بویورم مقده

استعجال کو سترمه می و بو کی مباحث دینی ده حرمتکارلسان قوللانمی

رفیقمزدن رجا حقمز واردرطن ایدرز.

مصرک سرگذشتی

۱۲

عربی حادثه سنك صوکی

انكلیزلر دوری بر نشسته نظر قاهره به کریسور کن انكلیز دینیو مسیسنك مسلمانری آلدانه بیلیمسنك فجیع نتیجه ری يك دلسوز و عبرتمیز صورتده ابصار انقباهمه چار پیوردی.

انكلیزلر مصره کیرملری متعاقب « حیلہ کار بر اصول حلول ایلہ یواش یواش مملکتک اداره سنی » بجه تحکملرینه آلمغه باشلادیلر. ایلک اول بر امر خدیوی ایلہ مصر اردوسنی الفا ایتدیلر. قومانداسی انكلیز ضابطلرینك دست ملعتده یکی براردو تأسیس ایتمه باشلادیلر. دهها صکره مالی « مراقبه ثنائیه » یی اعراض دناشتکارانه لرینك پیش استحصالنده بر مانعه کوردیلر وهمان ازاله سنه قرار ویردیلر. متعاقباً مصرده انكلیز مراقبی ۳۰ تشرین اول ۱۸۸۲ ده « آلدینی امرلرہ بناء آرتیق مجلس نظارک اجتماعنده بولنه میه جفنی » حکومت مصریه تبلیغ ایتدی. بو تبلیغ، مراقبه ثنائیه یی الفا دیعکدی. چونکه یالکیز باشنه فرانسزلرله مراقبه اوله مازدی.

انكلیزلرک قاهره به دخولی متعاقب عربی و رفقاسی جنرال «لو» به تسلیم اولدیلر و دیوان حرب مواجهه سنده محاکمه ایدیلدیلر. عربی یی مدافعه ایدن انكلیز دعوی و کیلاری ایدی. محاکمه يك سریع جریان ایتدی. عربی و رفقاسی « اعدام » محکوم ایدلدیلر. فقط حکم اعدام خدیو طرفندن مؤبد نفیه تعدیل ایدلدی. بو صبرده ریاض باشاداخلیه ناظری ایدی. محاکمه نك سرعته جریانی، مسئولیت حقیقه نك عدم ظهوری کورمسی اوزره استعفا ایتدی، چکیلدی.

عربی حادثه سی بو صورتله نهایتلندی: خدعه کار و غدار انكلیزلر مراملرینه نائل اولمشلردی

۱۳

تاریخ مواجهه سنده عربی

عربی حادثه سی حقنده بر حکم ویرمک، مسئولیتلری اشخاصه توزیع ایتمکده اختلاف واردر. بعضیلری عربینك، مصری تسلیم ایتک ایچون انكلیزلرله اتفاق ایتدیکنی سویلور؛ بو صورتله عربی خائن و ناموسسز اولیور. مصطفی کامل بو حکم حقنده: « تماماً یا کاشدر. عربی سلامت نیته مالک ایدی. فقط سرعت ایتدی و آلداندی » دیور. بعضیلری ده: خدیو توفیق پاشانك انكلیزلرله متفق اولدیغنی سویلور. مصطفی کامل بو خصوصده ده: « خدیو توفیق پاشا (بر خدیو اولوق صفتیله) مداخله اجنبیه نك اک بیوک مصیبت اولدیغنی بیلیدی. مملکتک بومداخله به معروض قالمسنی ایسته مزدی. فقط اسکندریه بومباردمانی متعاقب عربیلر طرفندن دولت علیه نك مساوتیله خلع ایدیله جکی و یاخود اولدیریله جکی، کندیسنه تلقین ایدیلشدی. کندیسنی یالکیز بولان خدیو حیاتی محافظه ایتک ایچون

انکلیزیه لنجا استدی . خدیوک اشغالدن طولانی پک امدیده اولدیغنه بر جوقلری شهادت ایدیور . خدیو توفیق پاشا مسالمت طرفداری ایدی . حتی بعضی وقتلر او قدر ضعیف ایدیه کی در حال تسامح اولوردی . بدیهیدر که خدیو حزمی و عزمی اولایدی ، مصر جوق تهلکه لردن قور تولوردی .

ایشته بوندن طولانی مؤرخ عرابی حادثه سی حقه در حکم صریح و یردمن . اونک اک مهم اسراری دها حالا کیزلیدر . بونلر منکشف اولدیغی تقدیرده حکملردر حالده کیشیر . فقط هر حالده پک وضوحلی کورونه عبرت تاریخیه : « تفرقه سبب اضمحلال درا » . فی الواقع عرابیلر ایله چرکسلر ، خدیو ایله عرابیلر ، خدیو ایله مقام خلافت تفرقه و اختلافه دوشمه مش اولسه ایدی ؛ عرابی حادثه سی وقوع بولمازدی ، انکلیزیه مصره مداخله ایتزدی ، حکومت عثمانیه انکلیزلرک دسیسه لرینه قابیلمازدی ، توفیق پاشا انکلیزلره لنجا ایتکه مجبور اولمازدی .

بو اسلام مملکتک سقو طی تک بر علتدن واقع اولدی : تفرقه ! بالجه اسلام مملکتلرینک اسباب سقو طنی ارشیدیره جق اولورسه ک نتیجه تدقیقا تمزده ینه تفرقه علتی کورورز ، بونک هلاجی « اتحاد » در ، « واعتصموا بحبل الله جمیاً ولا تفرقوا ... » امر سبحانیسه بلا تفریق بوتون مسلمانلرک اتباعی در ...

۱۶

انکلیزلرک دسائس استعماریه لی

انکلیزلر مصره کیرر کیرمن اشغال عسکرینک موقت اولدیغی ، انکلیزاردوسنک تخت خدیویتی ترصین ایتکه ، مصریلری مدنیلشدیرمک ایله مکلف اولدیغی ، بو وظیفه یی ایفا ایدر ایتز همان مصری ، مصریلرک الله تسلیم ایدرک مصرک هیچ بر شئوننه مداخله ایتیه جکلریغی اعلان ایتدیلر . بز بوغدارلرک بتون وعدلریغی برر برر تعداد ایدیه جک اولسه قوجه جلدلر طولدور بردق . فقط بوغدر مله ونانه نک مثاللرندن بر قاجنی انظار قارئنه عرض ایتکه اکتفا ایدیه جکزر . لورد سالسبوری متعدد دفعه ل « انکلیزیه ناموسی مصری تخلیه ایتکی ایجاب ایتدیرر » ؛ غلادستون : « مصری تملک ایتک کوزلدر ؛ فقط بریتانیانک ویردیکی وعدینه وفا ایتسی دها کوزلدر ، دها شرفلیدر » دیدیلر . وینه بو غلادستون مصطفی کامله ۱۸۹۶ کانون نایسنده کوندردیکی بر مکتوبده دییورکه : « بنم فکرم هیچ ده کیشمدی . مصری ، ناموسمزله ، کندی منفعتنه اولارق وظیفه منی بتردکن صکره ، ترک ایتک بر وظیفه در . بنم نقطه نظر مه کوره مصری تخلیه ایتک زمانی سنه لردنبری حلول ایتشدیر . موقع اقتدارده ایکن بومسأله مهمه نک حل ایچون بشقه حکومتلرک معاونته امید وار ایدم . ۱۸۹۲ ده لوندرده فرانسر سفیری موسیو وادفتونک مسالکی املا ریمی تقویه ایتدی . فقط بوکا رغماً مذاکرات هیچ ایلروله مدی ، حق برنجی خطوه یی آشه مادی . بونک سببی بیلیمورم .

بونی بیلمیه جک نه وار : ناموس سزلق وغدارلق ! ایشته اک

برنجی سبب ... فقط بر جوق مصریلر و قتیله الدامشیر ایدی . اسکندریه قتل عامی هر مملتک نفرت واستکراه ایدیه جکی اک آلچاق وسائل ایله ترتیب ایدن ؛ عرابی حادثه سی اثناسنده ناموسی ، خدعه کارلق ، منافق لق ، دسیسه جیلک ایله لکلین انکلیزلر کویام مصریلری مدنیلشدیرمک ، ایلرولته جکلرمش ! . بونلرک نه ایلدیه نه ایلدیه بر دام فلاکت اولدیغی صوکرده دن آکلاشدی . بتون اوناموس نامنه ویرلن وعدلر دیش غجیرداتان رقیلرک احتراصلریغی تسکین ایتک ایچوندی . یعنی انکلیز دیپلوماسیسی « ناموس ملی ، حیثیت ملیه » سفی الدامق اوغرنده استعمالدن چکیمزلر . انکلیزلر مصرده آتیده کی اساسلر اوزرینه مستند بر بولتیقه تعقیب ایتدیلر :

- ۱ — انکلیزلرک نفوذندن ماعدا مصرده هر نفوذی اولدورمک ،
- ۲ — خلیفه معظمک نفوذ مغنویسیغی محو ایتک و دولت علیه ایله مصرک آره سنده کی رابطهلری کسمک ،
- ۳ — خدیوک حقوقی غصب ایتک ، مصر اداره سفی اله آلق ، مصریلری بیوک ومهم مأموریتلردن قوغق ،
- ۴ — مصرده شورشلر ایجاد ایتک واشغالک دوامی اسبابی حاضر لاق ،

۵ — مصریلرک نامی افترالره لکه له مک ،

۶ — معارف اولدورمک ، ثروتی غصب ایتک .

۷ — وطنسز ، دینسز در بدرلر واسطه سیله خلافت علمبنده پروپاگاندا

یایمق و بونلری حایه ایتک ...

بونلرک هپسی « تخت خدیویتی ترصین ایتک » برده سفی آلتیده یاییلیوردی . فقط کوریلیدوردی که بوهمانه نک تأثیری پک اوزامیه جق . یکی مشکلاتک ایجاد لازم ایدی . بونک اوزرینه سودان مسأله سی یارادیلدی . بونی ده انشالله کله جک مقاله مزده ایضاح ایدرز .

مصری

عمر رضا

جهاد خاطر لردن :

بیر کتیبه اجلال

۲۹ کانون ثانی ۱۳۳۰

اوکله یه داها ایکی ساعت وار . . . محترم بیر آرقاداشمه باب عالی یوقوشنده کی کتابچیلرک توزلو جامکانلری ایچنده دورغونلغک ، معیشت دارلغنک ویردیکی قیدسزلق ، اعتناسزلق ایله کلشی کوزل سریلیورمش اولان صولوق رنکلی ، محیطک بیرتورلو جانلانا مایان بی معنی ، یأس آور رغبتسزلیکنه قارشى عادتا ایچین ایچین فریاد ایدن ، عددی قدر تنوع عرض ایله یین کتابلرک آدلرینه سریع ومتجسس نظرلر فیرلاتارق ایلرله یوردق .

هوا ، له الحمد ، قارا قیشده بولونولدیغی حس ایتدیرمه یه جک درجه ده ملایم ولطیف ؛ کونش ، وقت وقت کوزو کهرک ایصیتامایان